

## Ҳадис дарслари (238-дарс) Эркак киши эркак кишининг авратига қарамайди



Ҳадис  
ДАРСЛАРИ

238-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

19:00 / 12.07.2023 2436

أَهْنَعُ هَلْ لَأِي ضَرَّةَ نَوْمِي مَنَعُ  
يَلَّصِي بِنَلِّ تَغَضَّو: تَلَّاقِ  
ءَامَ مَلَّسَ وَهَيْلَعُ هَلْ لَأِ  
هُأَوْرَ: لَسَاتُ غَافُ هُتَرَّتَسَ وَ  
مَلَّسُمُ

Маймуна розияллоҳу анҳодан ривоят қилинади:

«Набий соллаллоҳу алайҳи васалламга сув қўйиб қўйдим ва тўсиб турдим. У киши ғул қилдилар».

Муслим ривоят қилган.

Маймуна онамиз бу ривоятда Пайғамбаримиз соллаллоҳу алайҳи васалламга ғусл учун сув тайёрлаб берганлари ва ғусл қилган пайтларида У зотни тўсиб турганлари ҳақида сўзлаб бермоқдалар.

Бу ҳадисдан олинадиган фойдалар:

1. Аёл эрининг ғусл қилиши учун сув тайёрлаб бериши яхшилиги.

2. Аёл эри ғусл қилаётганида уни тўсиб туриши.

(Бошқа бир ривоятда «бир кийим билан тўсиб турдим», дейилган).

3. Ғусл пайтида тўсилиб туриш вожиблиги.

أَهْنَعُ هَلَلًا يَضْرَعُ شَيْئًا عُنَعُ  
أَنَا لَسْتُ عَأْتُنُكَ تَلْأَقُ  
هَيْلَعُ هَلَلًا يَلْصُيْبُنْأَوُ  
يَفَوُ دِحْأَوُءَانِ نَمَمَلَسَوُ  
هَلْأَقُيَحَدَقُ نَمِةَيَأَوُ  
أَنِيذِيَأُفَلْتُخَتْ قَرَفُأَلَا  
نَمِةَيَأَوُيَفَدَا زِهَيْف  
ةَسْمَخُأَلَا هَأَوُرِةَبَأَنْجُأَلَا

Оиша розияллоҳу анҳодан ривоят қилинади:

**«Мен Набий соллаллоҳу алайҳи васаллам билан бирга бир идишдан ғусл қилар эдим».**

Бошқа бир ривоятда:

«**Фарақ дейиладиган қадаҳда қўлларимиз тўқнашиб кетар эди**», дейилган.

Учинчи бир ривоятда:

«**Жунубликдан**» деган сўз зиёда қилинган.

*Бешовлари ривоят қилганлар.*

Фарақ дейиладиган қадаҳ ўн олти ратл сув сиғадиған идиш эканлиги аввал айтилган.

Ҳадисдан олинадиган фойда:

Эр-хотин жунубликда бир жойда, бир идишдан сув олиб, ғусл қилишлари мумкинлиги.

هُلِّلَا يِضْرِي دِي غَسَّ يِبَا نَع  
هُلِّلَا يِلَّصَّ يِبَّ نَلَا نَع، هُنَّ ع  
رُظْنِي آلَ: لَأَقَمَّ لَسَوِ هِي لَع  
الْوَلُّجُّرْلَا عَرُوعَ يَلَا لُجُّرْلَا  
الْوَلُّجُّرْلَا عَرُوعَ يَلَا عَرْمُلَا  
لُجُّرْلَا يَلَا لُجُّرْلَا يِضْفِي  
يِضْفُتَ الْوَدِحِ أَوْ بُوْتِ يِ فِ  
يِ فِ عَرْمُلَا يَلَا عَرْمُلَا

# عَسَمَ خُلَا هَاوَرِ دِحْ اَوْلَا بَوْتَلَا يِرَاخُ بَلَا اَلَا

Абу Саъийд розияллоҳу анҳудан ривоят қилинади:

**«Набий соллаллоҳу алайҳи васаллам:**

**«Эркак киши эркак кишининг авратига қарамайди. Аёл киши ҳам аёл кишининг авратига қарамайди. Бир кийим ичида эркак киши эркак кишига баданини теккизмайди. Бир кийим ичида аёл киши аёл кишига баданини теккизмайди», дедилар».**

*Бешовларидан фақат Бухорий ривоят қилмаган.*

Эркак киши хотин кишининг, хотин киши эркак кишининг авратига қараши мутлақо мумкин эмаслиги маълум ва машҳур бўлганлигидан ҳамда оят ва бошқа ҳадисларда муфассал баён қилинганидан бу жойда уҳақда айтилмаган.

Бу ҳадисда кишилар ўзига енгил санайдиган, бўлаверди, деб ўйлайдиган нарсалардан баъзиларининг ҳукми баён қилинган.

**«Эркак киши эркак кишининг авратига қарамайди».**

Маълумки, эркак кишининг эркак кишига нисбатан аврати – тиззалари билан киндиги орасидаги танаси. Бу авратни аёл киши кўрмаса бўлди, деган ҳаёл билан эркак кишига кўрсатишнинг зарари йўқ, деб ўйлаш мутлақо хатодир. Аввало эркак киши бегона эркак кишидан ҳам авратини тўсиши лозим. Шунингдек, ўзи бошқа эркак кишининг авратига ҳам назар солмаслиги керак. Бу нарса шариатимизда ҳаром қилинган.

**«Аёл киши ҳам аёл кишининг авратига қарамайди».**

Кўпчилик аёлларда аёл киши авратини эркак кишига кўрсатмаса бўлди, деб, аёллардан эҳтиёт бўлмаслик одатлари бор. Бу ҳам нотўғри. Аёл кишининг аврати бошқа бир аёл кишига нисбатан иккига бўлинади.

1. Муслима аёлнинг муслима аёлга нисбатан аврати киндигидан тиззасигача.

Мазкур жойини муслима аёлларга ҳам кўрсатмаслиги керак. Бошқа аёлларнинг ўша жойига қарамаслик ҳам керак.

2. Муслима аёлнинг кофир аёлга нисбатан аврати иш-юмушларни бажариш вақтида очиқ турадиган жойларидан бошқа жойларидир.

**«Бир кийим ичида эркак киши эркак кишига баданини теккизмайди».**

Кийим деганда бунга ётиш ўрни ҳам киради. Яъни, эркак киши яланғоч баданини бошқа эркак кишига теккизмаслиги керак. Чунки бу иш жинсий бузуқликка олиб келиши мумкин. Эркак киши-ку, нима ҳам бўлар эди, дейиш керак эмас. Кўпчилик бузуқ ишлар, хусусан, ливота (бачабозлик) шундан бошланади.

**«Бир кийим ичида аёл киши аёл кишига баданини теккизмайди».**

Чунки бу иш ҳам аёллар ичида ўзаро бузуқликка олиб боради. Бу ҳаром иш арабчада «сиҳоқ» дейилади.

Кўриб турибмизки, Ислом шариатида жинсий тарбияга алоҳида эътибор берилган. Хоҳ эркак киши бўлсин, хоҳ аёл бўлсин, ўзгаларнинг жинсий майлини қўзғатиши мумкин бўлган аъзоларини беркитиб юришга, бошқаларнинг ўша аъзоларига назар солмасликка амр қилинган.

Шунингдек, хоҳ эркак бўлсин, хоҳ аёл бўлсин, яланғоч баданини бир-бирига теккизиши ҳам ман қилинган. Булар ҳаммаси зино, бачабозлик, аёлларнинг бир-бирлари билан шаҳвоний алоқалари каби катта гуноҳ бўладиган ҳаром ишларнинг олдини олиш учун қилинган.

Биз, муслмонлар бу амрларга сўзсиз бўйсунимиз, шариатимизнинг амрларига итоат қилишимиз лозим. Фарзандларимизни, ўзимизга қарашли кишиларни шу руҳда тарбиялашимиз керак.

**«Ҳадис ва ҳаёт» китобининг 4-жузи асосида тайёрланди.**

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.